

► *Dialuna anochi...!*

Lidernan di banda a reuni cu ASOMA cu carater di urgencia

Tabata dialuna anochi unda cu e lidernan di banda a reuni cu carater di urgencia na nan sede.

Shonnan cos ta birando hopi hot y e batata aki ta basta pisa y cayente. Den e reunion aki a sali un solo cos cu pa Diabierna nan lo anuncia nan posicion.

F&A no por a keda ya cu nos a wordo sugeri pa bandona e sede p'asina nan caba di finaliza nan reunion y den e caso aki Sr. Vi Martin cu masha amabilidad a duna nos di conoce cu nan lo fiha nan posicion pa banda di diabierna.

Tambe nos a compronde cu e presidente despues di su vacante a yega Aruba malo di Salud y a tuma un par di dia mas pa descansa su curpa.

Den otro tono nos a bin compronde for di critico nan cu Asoma mester di un presidente mas agresivo y cu por vozifera e organo aki.

Nan ta sinti cu Rasmijn den e caso aki ta mucho pasivo y ta tuma mucho tempo pa haci un stap real.

Di otro banda e musiconan, den e caso aki e lidernan di banda no ta wak esaki di biaha sino nan ta wak cu tin movecion den e organo aki. Cos ta pinta basta nubla ya cu na inicio di e luna di November aña pasa Asoma a manda un carta cu 11

firma di lidernan di banda cu entre otro NBO, Clymax, Dushi band, Papito y su doble sabor, Dejavu, T.I.G.O., Le Groove, Sound & More, Robert J'dor y su banda, 3D y M.V.M cu nan no lo bai participa na e festival di Road march y calypso si esaki tuma luga na Dakota.

En bez di San Nicolas manera esaki ta tradicion, berdad ta cu e situacion tabata muestra uno basta fastioso for di dia cu esaki

a wordo anuncia aña pasa dor di Tecla Kelly cu ta presidi SAC.

Den otro rosea no laga atras cu riba e lista cu nos a presenta awe tin 2 a 3 banda cu a bisa y señala indirectamente cu nan si ta bai Dakota toch.

E situacion ta uno masha delicado y te aworaki cosnan ta keda mescos... Festival di Roadmarch y Calypso ta bin abao esta Mallborro Ballpark y punto..ningun paso atras..!!

